



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Sacramentis In Genere

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXIX. De nomine, definitione, & partitione cæremoniarum.

[urn:nbn:de:hbz:466:1-53925](https://nbn-resolving.de/urn:nbn:de:hbz:466:1-53925)



CONTROVERSIA SEXTA.

De cæremoniis Sacramento- rum in genere.

DE RITIBVS SINGVLORVM sacramentorum suis locis agemus; hic tamen de ritibus in genere disputandum est. Quia postremam controuersiam disputare inserviuimus, tum quia res dignissima est, quæ sciatur, tum et nullus sit canon Concilij Tridentinj de Sacramentis genere, quem non defendemus; haec tenus enim omnes defendimus, præter ultimum, qui dicit anathema iis, quicunque remonias Ecclesiæ, vel contemnunt, vel sine peccato pretermitti posse putant.

Erunt autem quatuor partes huius questionis. PRIMA de nomine, definitione, & partitione cæremoniarum. SECONDA de statu caussæ, & hæreticorum erroribus, & mendaciis. TERTIA de explicatione, & probatione ritatis. QVARTA de obiectionibus aduersariorum.

CAPVT XXIX De nomine, definitione, & partitione cæremoniarum.

VOX ad PRIMVM attinet, notanda sunt quidam pro statu caussæ intelligendo. PRIMVM est, quid sit cæmeronia. Est autem cæmeronia actus exterioris religionis, qui non aliunde habet latitudinem,

MOS

dem, nisi quia sit ad Dei honorem. Religio enim, quæ est nobilissima moralium virtutum, tres habet actus, ut quævis alia virtus, P R I M O , actum internum elicitum, qui est velle Deo debitum honorem, & cultum dare. S E C U N D O , actum externum interno respondentem, qui est quælibet externa actio, quæ non aliunde est bona, & laudabilis, nisi quia sit ad Deum colendum, ut sacrificium, genu flexio, & similia. T E R T I O , actum imperatū, id est, actum cuiusvis virtutis, qui à religione ordinetur ad Dei honorem. Hoc modo ieiunia, eleemosynæ, & alia id genus dici possunt actus religionis, quando fiunt ad colendū Deum, licet alioqui sint etiam actus altarum virtutum. De hoc tertio actu dixit S. Iacobus cap. 1. religionem esse visitare pupillos, & immaculatum se custodire ab hoc seculo; & S. Augustinus in Enchirid cap. 3. dixit. Deum coli fide, & spe, & charitate. Ex his tribus actibus, primus nullo modo est cæremonia; tertius non est etiam cæremonia, nisi quatenus imperatur à religione; secundus est propriè, & simpliciter cæremonia, & deco tractamus hoc loco.

Quod autem ad nomen attinet: Cæremoniæ apud Hebræos dicuntur **חֲקִים** quod nomen proptè significat non tam ipsam externam actionem, quam legem, seu statutum, quo actio illa præcipitur. Vnde etiam in nouo Testamento cæremoniæ Iudaicæ nomine legis appellari solent, ut Matth. II. Lex, & Prophetæ usq; ad Ioannem. Galat. 5. Testificor omni homini circumcidenti se, quoniam debitor est uniuersæ legis faciendæ. Eam vocem Græci reddunt ubiq; per δικαιοματα, id est, iustificationes, quia erant ritus ad hominem iustificandum, & purgandum institutæ. Latinus interpres ferè semper vertit cæremoniam in Testamento veteri vocem Hebræam **חֲקִים**. Nomen autem hoc Latinum vel dictum est ab oppido Cære, ut volunt Liuius lib. 5. & Valerius Maximus lib. 1. cap. L quod in eo oppido sacra Romana seruata sint, quo tempore Galli Romam diripuerunt; vel forrè rectius dictum est a carente, ut sit cæremonia, quasi carimonia, ut vult S. Augustinus lib. 2. retract. cap. 37. & Gellius lib. 4. cap. 9. & Macrobius lib. 2. Saturnal. cap. 3. eò quod quedam cæremoniæ in abstinentia, & carentia positæ sunt, qualis erat apud Iudeos cære vnu carnis suillæ, & omnia ferè vota Nazaræorum, & aliorum.

aliorum, qui vini, & aliarum multarum rerum usu, & votu rebant.

Sed ad partitionem veniamus. Quinque sunt partitiones cæremoniarum. PRIMA partitio sumitur à fine seu effectu. Quædam enim instruuntur ad iustificandum, ut Sacra menta, & de his modo non agimus: quædam ad alios quosdam effectus spiritales, ut ad dæmones coercendos, ut exorcismi, aqua benedicta, &c. quædam ad solum ornatum, & significacionem, ut vestis alba neophytorum, lumina ceterorum, &c. &c. his agimus.

SECVNDA partitio sumitur à causa effidente, id est, ab institutore. Quædam enim sunt ab ipsa natura quodammodo institutæ, quæ naturales dici possunt: quale est respicere in cœlum, tollere manus, flectere genua, tundere pectus cum Deum oramus: ista enim natura ipsa docet, unde etiam communes sunt etiam Gentilibus, & quibuscumque scelis. Quædam sunt à Deo institutæ, ut multæ in Testamento veteri, & Sacra menta quædam in novo; atque hæ diuinæ cæremoniae appellantur. Quædam denique sunt ab Apostolis, vel eorum successoribus institutæ, quæ dicuntur Ecclesiasticae. Et similis est partitio verborum; sunt enim cæremoniæ quædam verba visibilia. Videmus enim quasdam voces esse naturales, & sunt eæ, quibus varios effectus exprimimus; nam eodem modo plorant, suspirant, rident, &c. alias Deo institutas, ut Genes. 1. nomen cœli, terræ, maris, & alibi nomina aliquorum magnorum virorum. denique alias ab hominibus institutas ut Genes. 2. Adam imposuit nomina animalibus.

TERTIA partitio sumitur à causa formalis. Quædam enim cæremoniæ sunt immediatè cultus Dei, ut sacrificium, oratio, adoratio, &c. quædam disponunt ad colendum Dænum, ut ieiunia, cœlibatus, vita asperitas, &c. quædam sunt instrumenta diuini cultus, ut templo, aræ, calices, &c.

QUARTA partitio à causa materiali, seu ab obiecto materiali. Quædam enim cæremoniæ versantur circa petras: ut Exorcismi, insufflationes, aspersio cineris, &c. quædam circa locum, ut consecratio templi; quædam circa tempus, ut dies festi, vigiliae, Quadragesima, &c. sic etiam sunt tempora determinatae Sactamentorum celebrationi: quædam circa modum, ut quod Latinæ Sacra menta ministrentur, de-

pique

nique quædam circa res ipsas, ut benedictiones aquæ, olei, vestium, palmarum, &c.

QVINTA partitio sumitur ab accidentibus, ut quod aliæ sint vniuersales, aliæ particulares; ut ieunium Sabbathi temporibus S. Augustini seruabatur Romæ, non Mediolani; & contrà lotio pedum post Baptisma, seruabatur Mediolani, non Romæ. Vide Augustinum epist. 118. & Ambrosium libro de Sacramentis 3. cap. 1. Item aliæ temporales, ut abstinentia à sanguine, & suffocato, Actor. 15. aliæ perpetuae, ut ritus Sacramentorum. Denique aliæ in præcepto, aliæ liberæ, de quibus vide Augustinum epist. 118.

CAPUT XXX.

De statu caussæ.

Sicut ut statum caussæ intelligamus, obseruanda sunt tria. PRIMO non pauca esse, in quibus aduersarij nobiscum conueniunt. PRIMO enim faciuntur aliquas cæremonias necessarias esse ad Sacramentorum administrationem, præter cæremonias, quibus continetur Sacramentorum essentia. SECUNDO eas cæremonias esse adhibendas, quæ habent in Scriptura mandatum, vel exemplum, ut orationes, gratiarum actiones, exhortationes, psalmodiam: ista enim fuisse in vsu Apostolorum, patet ex 1. Cor. 14. & 1. Tim. 2. TERTIO fatentur posse Ecclesiam statuere de his cæremoniis, quæ habentur in Scripturis, certum ordinem, & modum, quo seruari debent, ne sit confusio. Ita Lutherus in lib. de piis cæremoniis, & in lib. de formula Missæ. Caluinus lib. 4. Instit. cap. 10. §. 14. Kemnitius in Examine, 2. part. pag. 171. Denique idem probant tot agendæ, quas singulæ ferè Ecclesiæ ipsorum ediderunt.

SECUNDO obseruandum est, multa ab aduersariis reprehendi in doctrina de cæremoniis Catholicorum, sed omnia esse ipsorum mendacia, non dogmata nostra: quo circa sunt hæc omnia notanda, & separanda, ut verus caussæ status appareat.

Igitur Kemnitius in 2. parte Examinis, pag. 157. & sequentibus, hæc omnia nobis tribuit. PRIMO, quod Concilium Tridentinum approbauerit quoscunque ritus ab hominibus ex-

cogi-